



kat.komp.

59833

III Mag. St. Dr. P

Feol. 5701.

Sienkiewicz Petrus Fassinius ex amoenissimo  
Hyacinthina vivitaria collectus —

Biblioteka Jagiellońska



stdr0001711

**FASCICULUS**  
**Ex amœnissimo Hyacinthino Viri-**  
**dario Collectus,**

*ET INTER FESTIVAM*  
**SANCTI HYACINTHI**  
*SOLEMNITATEM,*

*Perillustri, & Admodum Reuerendo Domino,*

**D. HYACINTHO**  
**BRYSZKIEWIC,**  
**Sacri, & Candidissimi Ordinis Præ-**  
**monstratensis, Canonicorum Regularium**  
**Præposito Zwierzynecensi,**

**DOMINO, AC BENEFATORI AMPLISSIMO,**

*In argumentum debitæ venerationis, & Gratulatorij applausū*

*Apollinis Cythara*



**M. PETRO SIENKIEWIC,**

**In Alma Vniuersitate Cracoviensi, Philosophiæ Doctore**  
**& Professore, Scholæ Sanctorum Omnia Seniore,**

**D E D I C A T V S.**

---


**C R A C O V I Æ,**

*Ex Officina ALBERTI GORECKI, S. R. M. Typogr.*  
*Anno Domini 1687. Die 17. Augusti.*

*hhh.*

*50.*

IN GENTILITIVM INSIGNE  
Perillustris & Admodum Reuerendi  
D O M I N I



59893  
11

Sed sine spenis.

Quod ROSA BRYSCOVII, pura niue purior albet;  
Concolor est Domini moribus iste color.  
Non sic Pæstanis nituit ROSA pulchra viretis,  
Quam Tua BRYSZKIEWIC pandit odore decus.  
Sive ROSIS HYACINTHE Tuis vis seu HYACINTHIS,  
Exornare caput, terna corona nitet.

IOANNES CYRVS, Alumnus Schola  
Grammatices.

PERILLVSTRI, ET ADMODUM  
REVERENDO DOMINO,

# D. HYACINTHO BRYSZKIEWIC,

Sacri, & Candidissimi Ordinis Præ-  
monstratensis, Canonico Regulari, Præ-  
posito Zwierzynecensi, &c.

DOMINO, & PATRONO AMPLISSIMO.



*D* Vernantissimum Rosarum Tuarum delicium, dilectus Tibi quia ex amoenissimo Diui HYACINTHI Viridario collectus, suavi virtutum odo re vernans fasciculus venit. PERILLVSTRIS & ADMODVM REVERENDE DOMINE. Amoenus quippe omnibus, sed precipue Tibi à prima adolescentia Tua purpura, non in fabuloſo ſemiramidis horto; ſed in fragranti Diui Dominicī vireto efflorefcens, in coronamentum tuum iuremerito cedit. Nimurum non sterilis, quia exceptus animo, non tam in verba; quam in vota & omnia excreuit. Aſtimat ſe eſſe Tibi gratiſſimū (quia Diuinissimi Tui ſpeciali titulo,) Tutelaris cuius tu non tantū nomen, ſed & emulam pietatem, ut dignus tanti Patri filius habes, eiusq; nominis auſpicatiſſimum omen geris. Dedeceſet pullulantem bunc florem in alieno matureſcere ſoto; niſi in Tuō amoēnissimo Gentilitio Roſeto, quod non tantum ter- reſtres; verū etiam Caleſtes Incolas; ut ſuavi permulcat odore; ita grato ſemper recreat vi- rore. Neficit Gentilitia Tua Roſa bumi ſerpere, nec depreffia coronare loca, magnis ſed tan- tum culminibus debetur, & quò magis excello referta virore, eò Caleſti recreata vigore, detestata magis, quam verita acutam Tarquinij falce, tam inter frigidos laborum Aquilo- nes, quam turbulentos moleſtarum Notos, obliquantibus fatorum velut Eoli ventis inta- ēta, ſuauifime ſemper vernalat. Nec ſanè fertilior vberiorq; ex aureis Hesperidum hortis, aut florido Tusculani vel Alcinoi Viridario, non humanarum tantum, ſed Caleſtium coronarum materies prouent; quam à Tuis Gentilitijs Roſis, qua leguntur tutius quam carpuntur, ſentiuntur gratius, quam manibus premuntur, tantumq; eliciunt laudis & amoris, quan- tum totum in orbem diſfundunt benefi ci odoris, eò magis grata, quò plus de Caleſtibus, nibil planè de terreſtribus ſpirantes. Iactet potens Epirus Dodoneum lucum, ſola tantum ſuper- ſtitionis caligine clarum, ex quo vocales arbores, & ſuauifimi flores prodierunt. Longè la- teq; hoc praefat BRYSZKOWIANA ROZA, non ſuavi tantum virtutum odore; ſed candido vita proba colore, puritatem, innocentiam, candorem, non ſimulanter ad ſpeciem exprimente, tantumq; ab illis diſfert, quantum Libana Cedrus ab arundine cernitur diſta- flare. Fragrat hoc Roſa Tua Gentilitia candidi emula lilyj, fragrantissimo Diui Norbertini- tore, rubet incundè nativā verecundiā, tam inter Ducales Mitras, Epifcopales Infulas, Se- natorum Curules, quam etiam inter Sacra erudit & Palladis ſubſelia ſuauifime eminenter. Et certè non ſic amoēna Tempe, Roſeq; Paſtanae gratia ſuauolentia animis mortalium fuere, quam Candidiſſimo Premonſtratensi Paradifo, triplex Roſarum Tuarum delicium, ſuauif-

mos gratiarum odores, ardentos summa humanitatis nitores sparsit. Agnoscit Te equissimum consiliorum suorum Nestorem multoties Ecclesia Zwierzynieensis, quam Tu odore sicut odore agri pleni adeò impleuisti; ut tota Rosis Gentilitijs Tuis cincta gemmis gratosior; sed sponso suo verè conformis efficiatur. Subit enim uero ingens quedam admiratio mentes sapientum Virorum Cleantheas, cum prodigium illud eruditii pectoris Tui nec capere ex integrone, nec stupere ex merito possit, quod in mentem Tuam curis publicis fatigari nesciam, eam inuidentes sapientiam. Et dexteritatem, eam animi elegantiam, ac oris vultusq; granitatem, eam tractandorum animorum peritiam, Et suavitatem, eam Pastoralem vigilantium, ut nec Centoculos antiquitati Argos, Nemoeq; leones Sacrum ouile Tuum inuideat. Quantus verò Diuina suade Tua Rosas & Lilia loquentis valor, ut meritò dicam suis apibus conditus Plato non est sapidior: melle stipata Nestoris facundia non erit maturior, quam Tuus nectare dilutus sermo, ubi inter prudentia ab ore verba Cecropia examina suo melle suavia videntur euolare. Nec dissimilis Flori suauissimo Diuinissimo Tutelari Tuо integritas puri candoris resplendet, cui nil gratias promeritum nisi virtutibus coruscum, nil iucundum, nisi Sacro apparatu cultum existere videtur. In praconium non vocabo ceteras virtutes tuas, sed insirimitati potius mea, Et angustijs charta id concedes, quod non omnes calamo comprehenderim, cum tantum calo capi posse omnes videantur. Certabunt inuidem de Tuis praelaris virtutibus sera posteritati tradendis, augusta Apollinis delubra, domusq; Hygee sacrae, cum totum in immensum laudum Tuarum encomium effundent Castalum. Quanquam longius me à Rosa Tuaglorie Tua abripit veneratio, cui cum ruditis calamus non sufficiat, satius est pudore suffundi, quam que omnium oculis & animis nota sunt, tenuissime viribus eloquentiae attentare. Panderatq; Gentilitium Rosetum Tuum PERILLVSTRIS & ADMODVM REVERENDE DOMINE, ut sacer ex omni florula coronamento Fasciculus beatis honoribus suis secure vernet. Non intra aliud coronamentum recipi floridus Fasciculus elegit; quam inter purpureum BRYSKOVIANVM ROSETVM, cum aureus ipsi Hesperidum hortus sit, intra quem quidquid clauditur, ab auro euo descendit, victureq; gloria fontem perpetuum habet. Magnam ego Fasciculi Sacri cum Gentilitijs ROSIS Tuis sympathiam cum suspiciam, quidni eum in sinu Tuо deponere conuenientissimum censem: idq; eo libentius; ut quidquid ruditis calamus meus possit, id honori Tuо impendam. Perennabis PERILLVSTRIS & ADMODVM REVERENDE DOMINE quia Diuinissimo HYACINTHO Tutelari Tuо dilectus, abundabis muneribus illius cuius manus tornatiles aureæ plena HYACINTHIS. Ego insuper non manibus dabo suauè rubentes HYACINTHOS, sed votis vota coram Deo Immortali vovere nunquam desinam; ut Te amplitudine, gloria, honoribus, in Ecclesia Dei adornatum, Pyleam in etatem, Candidum faciat vernare HYACINTHVM.

Perilluistris, & Admodum Reuerendæ Dominationis Vestræ,

Cliens Deditissimus,

M. PETRUS SIENKIEWIC,  
Philosophiæ Doctor, & Professor, Scholæ  
Sanctorum Omnim Senior.

EPI

537.

# EPIGRAMMA.

## I.

*In Sanctum Hyacinthum nascentem.*

Surgant Pierides Viridi de monte Sorores,  
Ornenturque comæ, flos HYACINTHE Tuæ.  
Cum cernas aliam redimitam sidere frontem,  
Empyreo niteat sidere, planta frequens,  
Cur stellas terræ flores in tempora Diui  
Agnati cælo, Flora Polona neget.

## II.

*In eundem natum in Polonia.*

Exultent Lechia ô fælix, simul æthera tecum;  
Nilquid teneas, spes venit inde Tibi.  
Molem qui portent Patriæ, si quæris Atlantes,  
Atlas Cælestis, nascitur ecce Tibi.  
Splendens Ecclesiæ toti, gentique Polonæ,  
Cum cæli faciem, flos HYACINTHVS habet.

## III.

*Fascijs inuoluitur S. Hyacinthus.*

Fascia me retinet tenerum, cum corpore stricta,  
Membris innocuis, stringor & ipse meis.  
Cur stringis vittâ Mater sobolem neo natam?  
Fascibus infantis cingeris ipsa Tui.  
Cælesti puer hic, vinciri poscit amore,  
Vitta Deus nato, vita perennis erit.

## IV.

*Ab Iuone Episcopo Cracoviensi Musis consecratur.*

Suscipit in gremium Parnassia Musa puellum,  
Principium studij, cruxque polusque tenet.  
Proficis Alme puer, Christo dictante Magistro,  
Ut doceas homines, semper amare Deum.  
Vulnera centeno statuit pro codice Christus,  
Vnde Tibi largè docta Minerua fluit.

B

V.

V.

*Sacer Orator quoties ad populum perorat, toties plurimos peccatores ad  
Deum conuertit.*

Diuinæ Cathedræ Præses, velut alter Aquinas,  
Dogma pium fundens, quod stupor omnis habet.  
Aureus Orator, percellens fulmine fontes,  
Cùm Niobes hominum saxeа corda liquent;  
Non sic Threijcio deductæ carmine siluæ,  
Quàm duros hominum traxerat ille animos.

V I.

*Sanctus Hyacinthus Canonicus Cracoviensis  
electus.*

Intra peraugustum cupiens vernare vauelum,  
Pulchriùs hoc flore, vt terna corona micet.  
Atque suum insignem cleri nunc surgere florem  
Altius, in sacro dogmate suauè iubet.  
Cùm Canonum Themidisque Sacræ, responfa locutus,  
Aureus ore tripos, consilijque penu est.

V II.

*Romam pergit cum Iuone Episcopo Cracoviensi, ibique Diuo Dominico iungitur.*

Romuleas HYACINTHE Petri vis cernere Sedes,  
Roma caput mundi, fit Tibi dulcis amor.  
Cælestem dubitas terrenumque inter amorem,  
Ecce Tibi præstò, cor Dominicus adest.  
Excipit optantem Romæ, dulcedine plenus,  
Suavia delicijs oscula datque Patri,  
Iunctus ei socius, vitæ morumque Parenti;  
Vt non moratis; mystica verba sonet.

VIII.

*Romæ Sanctus Hyacinthus Diui Dominici habitam Religiosum  
fuscepit.*

Dulce solum Patriæ est, & ab hoc excedere dulce,  
Si quis idem decorat, præmia laudis habet.  
Deseris hoc HYACINTHE iterum, redditurus ad illud,  
Mutato cultu, clarior inde redux.

Iam

Iam iam te decorat Dominici candida vestis,  
 Nempe Sacros humeros, ambiat alba chlamys.  
 Fulserat hâc, faciem referens HYACINTHVS Olympi,  
 Quâ ferit excelsos fama relicta polos.

## IX.

*Mittitur in Poloniā cum alijs Socijs, à Sancto  
 Dominico.*

Vtique quod primūm decorauit honoribus Almam,  
 Romām: cum Socijs deseruisse cupit,  
 Ipsius eloquio Cathedras, ac pulpita templi,  
 Impleuit magnum dotibus ingenium.  
 Intensis votis, hunc poscit Lechia Mater,  
 Ocyus vt tandem mystica verba ferat.  
 Quem socij florem, ternâ sepse coronâ,  
 Vt fructus ternus, surgeret inde polo.

## X.

*In Gratiam S. Hyacinthi, Iuo Episcopus Cracoviensis, ædificat Craco-  
 uiæ templum Sanctissimæ Trinitatis.*

Este procul Troiæ muri, Capitolia Romæ,  
 Pergama Lycini marmora pulchra procul.  
 Iam non Deucalion lapides iacit, ast HYACINTHI  
 Sancta manus, quibus est ædificata domus,  
 Ergo surge Parens Cracidos Vrbs nescia vinci,  
 Ecce sacrata domus, robora firma parat.

## XI.

*Sanctus Hyacinthus traiicit socios in pallio suo per Vistulam sub ciui-  
 tate dicta Kisogrod.*

Nunc mihi nunc Elegi velis maioribus ite,  
 Nauigat in magno flumine, Diuus homo.  
 Stare Deum pelagi iubet cessare tridentem,  
 Namque tridente procul, temperat ille salum:  
 Proh stupor! en calcant socij pede flumina sicco,  
 Anchora dextra fuit, pro rate vestis erat.

XII.

B. V. Maria S. Hyacinthum visitat, & alloquitur eum his verbis:  
Gaude fili HYACINTHE &c.

Pandite serratos claustralium Numina postes,  
Pandite claustra Viri, cælicus hospes adest:  
Hinc super æthereo sttingant Tua viscera plausu,  
Mater te alloquitur, voce sonante suâ.  
Visitat hospes Virgo domum Sacra quando HYACINTHI,  
Hospitis ille suæ, nomina magna stupet.  
Vtque salutavit benedicens ille M A R I A M,  
Alloquitur natum suauius, Alma Parens,  
Vt Tua grata meo nato est, Oratio quæuis,  
Ex hac magna Tibi, commoda ferre volo.

XIII.

*Confractis manibus pedibusque, eius ope sanantur.*

Luxatis membris, confractis cruribus, ad te  
Sano perueniunt, Diue Patrone pede.  
Mentis inops, ratione carens, raptusque furore,  
Sanatur cum fert, flos HYACINTHVS opem.  
O Medicina potens? quæ concurrentibus ad Te,  
Ipsamet occurris, cunctaque fana facis.

XIV.

*Moritur Sanctus Hyacinthus, ipso perwigilio Assumptionis  
B. M. Virginis.*

Sanguineas armata manus, mors tristis Amazon,  
Mens tamen à Parcis, inviolata manet.  
Sustulit ah Libitina ferox, Te flos HYACINTHE.  
Totus ab hoc fructus, credite flore viret.  
Hæc eadem Virgo, cui Sancta patebat opella,  
In grémium sumpsit, Teque fouere cupit,  
Sublimi fato, dignatur Virgo Clientem,  
Patria Cælestis, tradita Diue Tibi,

XV.

## X V.

*Tumulatus & incorruptus manet S. Hyacinthus.*

Dic mihi quô rigidum vergit corruptio telum?

Quôque tuum vergit trux Libitina scelus?

En manet excepto intactoque cadavere corpus,

Qualis Phœnicis, sub strue forma viget.

Talis eras HYACINTHE nouo post fata superstes;

Vultu incorrupto, iam propè morte carens.

Este procul taxi, & tumulum tectura cupressus,

Te manet æternum, lauriger inde vigor.

## X VI.

*Gratum odorem exhalant Lipsana S. Hyacinthi.*

Exhalant suaves flores cùm Lipsana Diui,

Cur flores? gratus flos HYACINTHVS erat.

## X VII.

*Epitaphium S. Hyacintho.*

Vandale veliuolo circumflue vandale fluctu,

Et circumcingens mænia firma Craci,

Dic vbi vistulei domitor iacet ille fluenti?

Natus in ignotis num iacet ille locis?

Cùm radias clâro tumuli defossus honore,

Quem Tibi construxit, Cracia Sacra Trias.

Sicne iaces HYACINTHE Tuis contermine ripis?

Orte simul Patrio flosque reposte solo.

## X VIII.

*Polonia in summis Regni periculis opem S. Hyacinthi implorat.*

Quid faceret dubijs concussa Polonia rebus,

Exterius feruens interiusque simul.

Auxilijs orbata suis, orbata probatis

Consilijs, summam mente precatur opem,

Te vocat instanter supplex ô flos HYACINTHE,

Teque Patrem Patriæ, poscit habere suum.

C

Vel

Vel Te gentis amor , vel Te Tua Patria tangat,  
Non potes Altricis non meminisse Tuæ.  
Sæpè Ducem Patriæ recinit gens, Teque Polona  
Fama Corynthiaco spirat in ære diu.  
Cernis ut assultent cunei ! ni iuueris actum est !  
Transfilit en fossam pænè Tyrannus humum !  
Trans Tanaim, trans flumen Hébri, captiua trahuntur,  
Corpora , & ingenuæ nobilitatis honos ?  
Eia celer perturbatos solare Polonos,  
Continuò mala sic quos decumana premunt.  
Hæc Tibi defensi pro mænibus Orbis & Vrbis ,  
Iure feret merito, Ciuica serta , Lechus.



